

**Belanjawan Pakatan Pembangkang Adalah Idea Tiruan Dan Bersifat Populis
Bernama
27 September, 2012**

KUALA LUMPUR, 27 Sept (Bernama) -- Beberapa pemimpin kerajaan pada Khamis menyifatkan belanjawan pakatan pembangkang yang dibentangkan pada Rabu adalah idea tiruan yang sudah dimulakan kerajaan Barisan Nasional (BN) dan lebih bersifat populis untuk menarik perhatian rakyat.

Rata-rata berpendapat belanjawan pembangkang itu lebih bersifat kepada hanya 'janji dimanisi' dan bukan janji ditepati.

Ketua Pemuda Umno Khairy Jamaluddin berkata hampir 80 peratus perkara dalam belanjawan itu idea dikitar semula dari buku jingga mereka.

Katanya, sebagai contoh cadangan pembangkang untuk menubuhkan 'National Housing Board' sudah dibuat oleh kerajaan terlebih dahulu melalui Program Perumahan 1Malaysia (PR1MA).

Bercakap pada sidang media BN Youth Job Fair 2012 di sini pada Khamis, Khairy yang juga Anggota Parlimen Rembau berkata pembangkang perlu menjelaskan bagaimana mereka ingin membiayai belanjawan alternatif terbabit, yang dianggarkan berjumlah RM200 bilion, sedangkan mereka ingin menghapuskan tol dan duti eksais serta menurunkan harga minyak.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=697840>